



Siège national  
47 rue d Clichy  
75311 Paris Cedex 09  
Tél : 01 45 96 03 05

## Vavaka Fiambenana alakamisy 23 jolay 2020

*Thème : Ny amin'ny Fiangonana tao Sardisy*

*Texte : Apokalypsy 3,1-6*

*Mitarika : Pst Henintsoa Rasolonjatovo*

### Fiharabana Apostolika

#### **FFPM171/1,2**

*1. Jeso, Mpanjaka malaza,  
No Tompo Mpanjakanay;  
Mahery sy tsara indrindra,  
Ka Izy no aronay.  
Mendrika hankalazaina  
Noho ny heriny;  
Eran-tany sy lanitra koa  
Ny zo aman-dazany.*

*2. Tompo, Mpandahatra hendry,  
Mpanao izao rehetra izao  
Ny zara sy tendry ataony  
Dia tsara sy mahaso;  
Mendrika ny hoderaina  
Ny fandaharany;  
Atolory ho Azy ny saotra,  
Fa izy tadrin'fin'io :  
Ry Tompo Mpanjaka mahery ô ! sns...*

### Vavaka fihaonana sy fiaiken-keloka

#### **FFPM354/1,3**

*1. Ny Mpamonjy no mitady  
Fihavanana aminao  
Izy no manambitamby  
Hanatonanao izao;  
Sao manjary fandatsana*

*Ny fifonana aminao,  
Ka ny mety mihavana  
Amin'ny Mpamonjy izao.*

*3. Sao ity no toriteny  
Fara-fanasana anao;  
Sao anio no fotoana  
Fara-ahavelomanao;  
Ka aza mba misalasala,  
Sao manjary neninao,  
Raho tsy mety mahalala  
Izao fotoana mety izao.*

### **Fampidirana**

#### **FFPM510/1**

*1. Jeso! ny hamarinanao  
No lamba hitafianay,  
Amin'ny andro farany,  
Izany hifalianay.*

### **Vakiteny 1 : Apokalypsy 3,1-2**

#### **Fanazavana fohy**

#### **FFPM510/2**

*2. Raha hitsangana izahay  
Handray ny lova aminao,  
Dia tena resy lahatra,  
Fa Kristy no Mpanavotra.*

#### **Vavaka isan-tokantrano**

- Mankasitraka an'Andriamanitra ny amin'ny tombon'andro nomeny.
- Fisaorana an'Andriamanitra ny amin'ny fitiavany antsika mitaona hanatona Azy.
- Handinin-tena ka hibaboka mangina amin'ny fahalemena mahatonga antsika hanao ny fanaon'izao tontolo izao.

#### **Vavaka ataon'ny Mpitandrina**

### **Vakiteny 2 : Apokalypsy 3,3**

#### **Fanazavana fohy**

#### **FFPM510/3**

*3. Io lamba io no mbola vao,*

*Na levona izao tany izao,  
Haharitra tsy rovitra.  
Havaozin' Andriamanitra.*

#### **Vavaka isan-takantrano**

- Mahatsiaro ny fitiavan' Andriamanitra mialoha mandrakariva ny fitiavantsika Azy.
- Mangataka ny Fanahy Masina hampibebaka antsika.
- Mangataka fibebahana ho an'ny tanindrazantsika.

#### **Vavaka ataon'ny Mpitandrina**

### **Vakiteny 3 : Apokalypsy 3,4-5**

#### **Fanazavana fohy**

#### **FFPM510/4**

*4. Ny hery sy ny antranao  
Toroy izao tontolo izao;  
Ampandrosoy ny teninao,  
Ampanekeo ny rafinao,*

#### **Vavaka isan-tokantrano**

- Miverina indray ho ao an-tranon-dray tahaka ilay zanaka adala.
- Mitondra am-bavaka ny vahoakan' Andriamanitra mba samy handresy amin'ny adiny.
- Mangataka fampiononana ho an'ireo namoy havan-tiana.

#### **Vavaka ataon'ny Mpitandrina**

### **Vakiteny 4 : Apokalypsy 3,6**

#### **Fanazavana fohy**

#### **FFPM510/5**

*5. Ny maty hahare ny feo  
Hiantso azy ho velona;  
Jeso! ny hamarinanao  
No lamba hitafianay.*

#### **Vavaka isan-tokantrano**

- Mangataka mba ho tehirizin'ny Fanahy Masina ny fanapahan-kevitra noraisintsika hiverina amin' Andriamanitra.
- Mivavaka ho an'ireo menaky ny aina sy ireo tanora anaty fanadinana.
- Mivavaka ho an'ireo tsy misy taratasy sy tsy manan-trano.

#### **Vavaka ataon'ny Mpitandrina**

### **FFPM298/1**

*1. Aina no fetra ry Tompo Mpanjaka,  
Aina no fetra anarahana anao,  
Ka ny faneva tsy maintsy ho zaka,  
Ny fanompoana tsy maintsy atao.*

*Fiv : Indreto izahay, hilanja faneva,  
Ilay hazo izay nanavotana anay;  
An-tsitrapo no anoloranay tena,  
Ka tano mba ho Anao izahay.*

### **Hafatra :**

#### **Romana 13,12-14**

« Efa ho lasa ny alina, ka efa mby akaiky kokoa ny andro, koa aoka hariansika ny asan' ny maizina ka hitafiansika ny fiadian' ny mazava. Aoka isika hitondra tena tsara toy ny amin' ny andro; tsy amin' ny filalaovan-dratsy, na amin' ny fahamamoana, tsy amin' ny fijangajangana, na amin' ny fijejojejoana, tsy amin' ny fifandirana, na amin' ny fialonana. Fa itafio Jesosy Kristy Tompo, ary aza miahny ny amin' ny nofo hahatanteraka ny filany.»

### **FFPM298/2,5**

*3. Aina no fetra, ry Tompo malala!  
Aina no fetran'ny fitiavanay;  
Ka sanatria izay handao na hiala;  
Mandrakizay, ho Anao izahay.  
Indreto izahay, hilanja faneva, sns...*

*5. Aina no fetra, ka ampio, ry Fanahy!  
Aina no fetra, vonjeo e, ry Ray!  
Aina no fetra, izahay re no sahy;  
Aina no fetra, handresy izahay.  
Indreto izahay, hilanja faneva, sns...*

### **Tsodrano**

Ary ho an' izay maharo anareo mba tsy ho tafintohina, ary hametraka anareo tsy hanan-tsiny eo anoloan' ny voninahiny amin' ny firavoravoana, ho an' Andriamanitra tokana, Mpamonjy antsika, amin' ny alalan' i Jesosy Kristy Tompontosika anie, ny voninahitra sy ny fahalehibiazana, ny fanjakana sy ny fahefana hatramin' ny taloha indrindra sy ankehitriny ary mandrakizay. Amena.